

# Gui'ch barojp guxhaal San Pabl loj Timoteo

## *Rugajpdioz Pab Timoteo*

<sup>1</sup> Naj Pab, nahn tijb xi apóstol Jesucrist, Dios gule naj din gatiechan diidx por promejs ni beenman guial gudéédaman guialnaban tiblayaa loj ree bén rliladx Jesucrist. <sup>2</sup> Naj caxhal gui'ch guie par lüj Timoteo bén rënan zi'c da xi'nan. Dux Dad ree Dios con Dad Jesucrist güünle' lüj, yayaman lüj, yabe'cdxe téeeman luxdool.

## *Guialrulüü xcwent Jesucrist*

<sup>3</sup> Dxej guiaal chi rbedx rniaaban Dios, rusaal-adxan lüj, abi' rudën quixtëe loj Dios, bén rünan sirv con guidib luxdon zi'c been ree da bengol gulalan been reeman laaman sirv. <sup>4</sup> Chi rusaal-adxan ni biinl, ma rën nejzdoon guguian lüj din yayu luxdon zagdxe. <sup>5</sup> Yu'guican guial lüj diidxli rliladxil Jesucrist, yaloj xnaxüjsil Loida con xniaal Eunice bililadx laaman zian, zeel ragbeechaawan guial ziangajc rliladxil laaman.

<sup>6</sup> Zeel rnin lojl, been naguiejn din guiguien quiargueijn ni banee Dios lojl chi badxib yan guijquil. <sup>7</sup> Din ad baneet Dios xSprijtaman du-loj ree par yadxeb ree, banee xSprijtaman par yadxu'dxi'ch ree, par yayën du lasa' ree, né par yaya'p ree tijb quiargueijn zagdxe. <sup>8</sup> Zeel ad yatul guinieel xtiidx Dad Jesucrist, ad yatu nëtëël naj yu'n ladxguiib por laaman, con xyudar Dios

gudaan guialzi ni rayal tēdil guial guite'chil xtiidxza'c Jesucrist. <sup>9</sup> Din Dios ma beenman perdon dux tol ree abi' ma gulejman dunuj ree din yabajn ree zi'c rēnman, ad por ni baguient ree, diizd chi gad guidxliuj gacchaaw beenman xgab guial por Jesucrist gulüüman dunuj ree xhienaag rēnman dunuj ree. <sup>10</sup> Yan bi't Jesucrist bén güt por dux tol ree, rayagbee ree guial diidxli rēn Dios dunuj ree. Abi' Jesucrist naj bén biquied guialrniabee loj guialgüjt abi' zian biguien guial yu' guialnaban, guialnaban tiblayaa par ree bén rliladx xtiidxaman.

<sup>11</sup> Zeel gulej Dios naj din gacan xi apóstol Jesucrist, din ganen xtiidxaman gulü tēen laan bén ad najt ree bén Israel, <sup>12</sup> abi' por zian cadéedan guialzi ni cadéedan. Per ad ratutan por zian, din naj ragbee chu rliladxan, abi' ragbeen guial laaman rajp guialrniabee par cu'chaawaman ni basa'nan lojman xt dxej ni gui'taman stijb.

<sup>13</sup> Badxe'guijc binal tēe ree diidxza'c ni ma balün lüj, tant zi'c rliladxil Dios nē zi'c rēn ree lasa'l guial ma nayajc ree tibzzi con Jesucrist. <sup>14</sup> Abi' con xyudar xSprijt Dios bén naban con dunuj ree, gojp ni banee Dios güunl.

<sup>15</sup> Lüj ragbee guial gra ree bén zojb niz Asia ma gulëéladx reeman naj, loj reeman no'ch Figelo con Hermógenes. <sup>16</sup> Dios gagnë ree xfamil Onesíforo, din laaman dād zien volt bagu'man luxdon. Abi' ad batunétaman naj yu'n ladxguiib, <sup>17</sup> naabzi bi'taman Rom baguiilaman naj xt lodzi badxejalman naj. <sup>18</sup> Abi' lüj ragbee guial dād beenman dunuj ree yudar chi badxu' ree Éfeso. Xi nix chi gui't Dad Jesucrist stijb, yaya da'taman laaman.

**2***Zi'c tijb xsuldad Jesucrist*

<sup>1</sup> Guiáad lüj xi'ngaan, guzujdxi'ch loj yudar ni raya'p ree por Jesucrist. <sup>2</sup> Abi' ni biguiejnl rën delant loj zien ree bejn, balüün loj ree bén diidxli rliladx, bén ni zajc gulüü ree ben ren.

<sup>3</sup> Zi'c tijb suldadza'c, zian gudaan ree guialzi, zi'c najl xbejn Jesucrist. <sup>4</sup> Ni'qui tijb bén naj suldad ad rut loj ni ad najt xcwent ree suldad par chile' yaya'nman zagdxe loj bén rniabee laaman.

<sup>5</sup> Ziangajc bén ni rguijt xhie tijb nin, rayal quita-man xnejz din chile' tia'man prem. <sup>6</sup> Abi' bén rüjn dxiin dajn, yaloj xgaj rüjn da'taman dxiin din gac yaca'man guialnaza'c. <sup>7</sup> Been xgab ni canin lojl, abi' Dad Jesucrist gagnë lüj din chignia'l gra. <sup>8</sup> Basaaladx Jesucrist, bén güt abi' babanman, bén zëed loj xdiaa rey Davi, zian naj xtiidxxa'caman ni catiechan. <sup>9</sup> Abi' por zian cadëédan guialzi, xt naxiin lën ladxguiib zi'c tijb benmal, per xtiidx Dios ad naxiitan. <sup>10</sup> Zianan zeel rdaanan gra par günan yudar bén ni ma naj ree par Dios, din gap reeman perdon por Jesucrist yayal tëe reeman guialnaban za'cdxoon ni naj par tiblayaa.

<sup>11</sup> Waliqui ree diidx ni rëb:

Bal ma bayëjt ree con laaman,  
ziangajc yabajn ree con laaman.

<sup>12</sup> Bal radaan ree xhietëëz ni raza'c ree,  
ziangajc yanabee ree con laaman.

Bal raguie'ch ree guial ad naguieenbeet reeman,  
ziangajc guiëbaman guial ad nünbeetaman dunuj  
ree.

<sup>13</sup> Bal id raguieen ree cumplid dux tiidx ree,

per laaman rüjn cumplid xtiidxaman  
din ad zajct guidxaa zi'c najman.

*Tijb bén raya'n zagdxe con xchiin*

<sup>14</sup> Güjdx loj ree bejn din gusaaladx reeman ni guie ree, abi' por Dios güjdx loj reeman guial ad rdildiidx reeman por ree ni ad rüjnt yudar, ruxhinianzán bén ni riguijejn ree laan. <sup>15</sup> Been xt lod chile' güünl din yaya'nl zagdxe loj Dios, din chibiguil lojman zi'c tijb bén ni rüjn dxiin abi' achet ni gustu laaman, guial cayüjnl xnejz con xtiidx Dios. <sup>16</sup> Ad gül diidx ni ad rüjnt sirv, ni ad rüjnt yudar bejn ree. Din bén rüjn ree zian zi'cri zinal reeman nejz mal, <sup>17</sup> abi' xtiidx reeman naj zi'c tijb guialguijdx ni rigaa. Lasa' ree bén guin naj Himeneo con Fileto, <sup>18</sup> din ad zinaltri reeman zi'c naj xtiidx Dios. Rëb reeman guial xcwent guial yaban ree bengüt mal gudëd gojc zian, abi' rüjndxa reeman xguialrliladx tio'p choon ree bejn. <sup>19</sup> Per xtiidx Dios ad zajct guidxaan zi'c tijb guiaj ni zojbixi'ch. Abi' loj xtiidx Dios rëb: "Dios nünbee bén naj ree xbejnman", rëb tëë loj xtiidxaman: "Graczi ree bén rëb guial nünbee reeman Dios rayal gusa'n reeman gra ni mal."

<sup>20</sup> Lën tijb yu naroob, ad ganaxt ree ni or yu' o ni plajt, négajc ree ni goc con yag në con bajn yu'. Din yu' reen rüjn sirv guixie guixie, yu' tëë reen ma naj dxej rüjn reen sirv. <sup>21</sup> Yan ziangajc bén ni rüjn naguijejn guiban naya, laaman naj zi'c ni rüjn sirv chi rajc xhienin, laaman ma naj xbejn Dad Jesucrist në ni güün sirv par laaman, din za'man par güünman gra ni naj zagdxe.

<sup>22</sup> Zeel basa'n xixgab xinguiag, xgab ni ad rüjnt sirv, gubajn xnejz. Binal guialrliladx, guialrëen lasa' né guial yabedxe luxdoo con los demasri ree bén ni con guidib luxdoo rbejdx rniab Dad Jesucrist. <sup>23</sup> Ad tildiidxil por tijb ni ad züjntil gan, o por tijb ni ad lasajct par tildiidxil, din lüj ragbee guial por zian rzuloj wadijl. <sup>24</sup> Abi' tijb bén ni rüjn sirv Dad Jesucrist ad rayalt gacaman bén ruladx wadijl, rayal gacaman benza'c con chutëëz, rayal gacaman tijb bén ni gac gulüü ree bejn, gacaman bén pacens <sup>25</sup> guzuxnejz tëëman con ree diidxzagdxe bén ni rüjn ree xcontr ni naj diidxli. Abi' rupent zian güün Dios guial yayüjn reeman xgab din gagbee reeman ni naj diidxli. <sup>26</sup> Par laa reeman loj xtramp xindxab ni rniabee laa reeman güün reeman ni rënman.

### 3

#### *Xhienaaq gac ree bejn dxej ni bigra ree*

<sup>1</sup> Rayal tëë gagbeel Timoteo guial dxej ni bigra ni zëéd ree, däd nawëég gacan par ree bejn guial guiban reeman. <sup>2</sup> Din bejn ree, par laagajc reeman güün reeman xgab, ganaxzi milia güün reeman xgab, abi' güün reeman benro', ganax ree diidxdxal guiniee reeman, guinieeguijdx reeman Dios con ree bejn. Ad zuzoobtri xtiidx ree xdad reeman o xniaa reeman, achetri yayuladx reeman, ad zidxga'tri reeman ni naj por Dios, <sup>3</sup> ad zëñtri reeman ad zaya tëëtri reeman bejn ree. Ganax diidx rusquiee guiniee reeman bejn ree, ad zucwëëzt güün reeman ni dxuudx ree, däd bén nayaaladx gac reeman, abi' guidxe'ch reeman ni

naj zagdxe. <sup>4</sup> Yayü reeman laagajc ree bén ni rajp laa reeman confians, sin guialrdxeb guiniee reeman xhietééz ni gui't guijc reeman, dád guilies xvalor reeman, mazri ma güün reeman ni rëntzi reeman guial loj zi'c rën Dios. <sup>5</sup> Gulüü guial dád benyadoo naj reeman, per ni'quid zaliladxt reeman xguialrniabee Dios.

Ad guchajguil bén ni naj ree zian. <sup>6</sup> Din loj reeman no'ch bén ni ru ree lidx ree bejn, abi' rüjn reeman gan béngunaa ni naban ree con gadx-agayaa ree dol, con gadxagayaa ree xgab ni ad rüjnt sirv, tibrajtzi rliladx reeman laa reeman <sup>7</sup> béngunaa guin ree zianczi rusiid reeman, per ad ragbeetczi reeman ni diidxli. <sup>8</sup> Gulal bén ni brii ree laj Janes con Jambres been xcontr reeman Moisejs. Yan ziangajc naj ree bén ni za' ree contr ni naj diidxli, laa reeman ma guxin xquiarguiejn reeman, ad zinaltri reeman zi'c rayal chililadx reeman. <sup>9</sup> Per ad xchejt güün reeman zian, din gra ree bejn gagbee guial rusquiee reeman zi'c goc con Janes né Jambres.

### *Rniabee Pab sudxi'ch Timoteo loj ni basiidaman*

<sup>10</sup> Per lüj Timoteo, ragbeel zagdxe xhie rulün bejn ree, xhienaaq nabanan, xhienaaq naj da xgaban, xhienaaq rliladxan, xhienaaq ra'pan pacens, xhienaaq rënan bejn ree, xhienaaq rdaanan, <sup>11</sup> xhie ma been ree bejn naj, xhie tée ree guialzi ma gudëédan. Lüj ragbee xhienaaq guza'can luguiedx Antioquia, Iconio con Listra. Dád ma guzaagdiajn por gra ni ma been ree bejn naj, per Dios babëé naj loj gra ree guialrzagdiaj guin. <sup>12</sup> Abi' dunuj ree rayagbee guial gra ree bén

ni r  n guiban zi'c r  n Dios guialrliladx reeman Jesucrist, naj sagdiaj reeman por ni g  n ree bejn laa reeman. <sup>13</sup> Per ree ben mal con ree b  n rusquiee, zi'cri zinal reeman nejz mal, rusquiee reeman bejn ree rusquiee t  e laagajc reeman.

<sup>14</sup> Per l  j basnuu guzudxi'ch loj ni ma basiidil, n   loj ni ma rliladxit, din l  j ragbee chu ree nin basiid l  j. <sup>15</sup> Abi' l  j diizd xindool n  nbeel xtiidx Dios, diidx ni zile' g  n l  j yudar gagbeel xhien-aag naj perdon ni z  ed por guialrliladx Jesucrist. <sup>16</sup> Gra ni z  ed loj xtiidx Dios, por Dios z  edan. Abi' r  jnan sirv par gusiid bejn bejn ree, par gude   bejn consejw, par guzuxnejz bejn bejn ree, n   par gagbee bejn xhienaag rayal guibanman, <sup>17</sup> din gagbee xbejn Dios guidiblagaa din g  nman graloj ni naj ni zagdxe.

## 4

<sup>1</sup> Delant loj Dios n   delant loj Jesucrist, b  n gui't zi'c tijb rey par g  nman guialguxtis loj ree b  n nabon n   loj ree b  n ma g  jt, naj rni lojl, <sup>2</sup> gutie'ch xtiidx Dios. Been nagueijn gunee xtiidxaman ad chi yu'tzi mod. Been nagueijn chililadx ree bejn ni rnieel, gudil   ree b  n ad ruzoobt diidx, bad  e t  e consejw loj ree bejn, bal  ü reeman sin guial yalenya'l. <sup>3</sup> Din zadxin dxej ad zati  jt ree bejn gucaagdiajg reeman ni naj diidxli, ma g  n reeman zi'ctzi r  n reeman, zaguil reeman zien ree b  n gul  ü laa reeman ganax ni ruladx reeman gucaagdiajg reeman. <sup>4</sup> Ad zidxga'tri reeman ni naj diidxli, mazri ma guidxga'reeman ni rb  eguijc ree bejn. <sup>5</sup> Per l  j Timoteo, gubajn nad  dguien, gudaan

xhietëëz guialrzagdiaj tédil, gutie'ch xtiidxza'c Jesucrist, been mandad ni banee Dios lojl güünl.

<sup>6</sup> Din naj zamer gugüt reeman naj, ma zidbig guialgüjt par naj. <sup>7</sup> Ma guzudxi'chan loj xtiidx Dios majsí guza'can ni guza'ctzan, ma gulox benan ni rayal günán abi' ad basa'ntan ni rliladxan. <sup>8</sup> Yan prem ni rayalan ma cabëzan naj, prem ni gunee Dad Jesucrist lon chi guidxin dxej, bén rüjn guialguxtis zi'c rayal. Abi' ad lotzan guneeman prem guin, në loj gra ree bén yu'luxdoo nix cabëz reeman laaman.

### *Ni rayal güün Timoteo*

<sup>9</sup> Been nagueijn diob guidganajl naj, <sup>10</sup> din Demas ma guro'nladxaman naj guial mazri ruladxaman ni yu' ree loj guidxliuj, zeel zëman niz Tesalónica. Abi' Crescente ma zëman niz Galacia guiaad Tito zëman niz Dalmacia. <sup>11</sup> Tijbzi Lujc za' con naj. Chi gui'til tanë Marcw din zile' güünx yudar gutie'chix xtiidx Dios. <sup>12</sup> Tíquico ma guxhalan laaman luguiedx Éfeso. <sup>13</sup> Chi gui'til tanë da cajpan ni basa'nan luguiedx Troas lidx Carpo, në ree da libran tanë ad yayanladx tëël guidnël da gui'ch reen.

<sup>14</sup> Lejandr bén naj herrer, dád zien ree ni mal ma beenman naj, per con Dios yaguijxaman gra ni beenman. <sup>15</sup> Gojp cudad con laaman, din laaman dád rüjn xcontraman ni ranee ree.

<sup>16</sup> Yaloj chi guzun loj ree guxtis achutczi been naj yudar, graczi reeman guro'nladx naj. Gagnë Dios ad zidxga'taman ni been reeman. <sup>17</sup> Per Dad Jesucrist been naj yudar banee tëéman naj gojl persi baloox gutiechan xtiidxaman, persi biguiejn ree gra ree bén ad najt bén Israel laan. Zian baslaa

Dios naj, zi'c rliaa tijb bejn loj beedx. <sup>18</sup> Abi' Dad Jesucrist, laaman yabëë naj loj gra ni mal, laaman guinia naj xt chi guidxin dxej guidixinan lod canabeeman xanyabaa. ¡Par laaman naj respejt gra tiamp në zianczi! Amén.

*Diidx bigra ca loj gui'ch guie*

<sup>19</sup> Bagajpdioz Prisca në Aquila në ree xfamil Onesíforo. <sup>20</sup> Erasto bayan'nan Corinto, guiáad Trófimo ragxuman basa'nan laaman luguiedx Mileto. <sup>21</sup> Been naguiejn guda chi gad tiamp nayaag gui't. Eubulo, Pudente, Lino, Claudia në los demasri ree bén rliladx Jesucrist rugajpdioz reeman lüj.

<sup>22</sup> Dad Jesucrist gagnë lüj, abi' Dios güünle' gradi. Amén.

## Xtiidx Dios

### New Testament in Zapotec, Santo Domingo Albarradas (MX:zas:Zapotec, Santo Domingo Albarradas)

copyright © 2010 Wycliffe Bible Translators, Inc.

Language: Zapotec, Santo Domingo Albarradas

Translation by: Wycliffe Bible Translators, Inc.

### Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### The New Testament

in Zapotec, Santo Domingo Albarradas

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
fb4ebcb8-e1f4-5bfc-b08c-f590e137d86d